

崧縣志卷之五

物產

穀類 黍 稷 稻 高粱

大麥 小麥 莠麥 蕎麥

大豆 小豆 綠豆 黑豆

黃豆 豇豆 莞豆 粟

貨類 木炭 石炭 鹽 紙

蓆 磚 瓦 石灰

畜類 馬 牛 驢 騾

崧縣志 卷五 物產 一

羊 犬 豕 貓

雞 鵝 鴨

蔬類 蘑菇 黃花 蕨菜 白菜

菠菜 芥菜 芹菜 芫荽

蔓菁 王瓜 西瓜 甜瓜

菜瓜 番瓜 扁瓜 劈蘭

刀豆 葫芦 白蘿苣 紅蘿蔔

葱 韭 蒜 茄子

果類 核桃 赤棗 蘋果 沙果

香果 秋果 葡萄 櫻桃

杏 桃 榛 梨

李 奈

花類 探春 迎春 長春 石榴

木槿 紫荊 牡丹 芍藥

茨梅 金盞 玉簪 菊

向日葵 蓮花 秋海棠 鳳仙

雞冠 薔薇 六月菊 月記

木類 松 栢 椿 楸

崞縣志

卷五

物產

一一

槐 榆 白楊 紅杆

柳

禽類 黃鸝 喜鵲 鷓鴣 元鳥

斑鳩 野鷄 石鷄 鳴鷄

鴛鴦

獸類 虎 豹 狼 狐

兔 鹿 獐 貍

藥類 麻黃 甘草 知母 半夏

細辛 黃芩 益母草 車前子

石菖蒲

草麻子

崞縣志卷之五

祥異

漢文帝二年荒賜民田租之半 十二年免租

昭帝始元二年荒免租

晉世祖咸寧五年五月雨雹傷稼 惠帝永興元

年秋大風殺禾 二年大飢

秦世祖壽光二年大蝗百草無遺牛馬相噉毛

魏文帝太和十一年大旱牛疫民死七月賑貸

隋文帝開皇二十年民間犬去其主變形如狼聚

崞縣志

卷五

祥異

一

於野噬人數年乃止

唐太宗貞觀四年大有年 憲宗元和六年大稔

武宗會昌三年春羊二首連頸四尾占曰二首

上不一也

後唐明宗天成二年有年 四年有年

宋端拱二年九月地震 淳化六年大旱 至道

二年烈風雨雹 眞宗大中祥符元年縣民張

留妻一產三男 景佑四年十二月地震遣使

存恤 慶歷三年五月地震如雷 建中靖國

元年地震彌旬

金崇寧元年大饑斗米錢數千

元成宗大德七年七月地震 九年四月地震

仁宗延佑元年八月地震 順帝至正元年饑

三年四年地震如雷裂長數丈 七年大旱

十九年夏飛蝗蔽天人馬不能行溝壑盡平

明洪武二年免租 九年免租 十年免租 三

十二年荒命官贖還民間所賣子女減田租

宣德三年饑 正統六年大饑 天順二年大

崞縣志

卷五

祥異

一一

饑 成化十八年大風折田大饑民多相食浮

苧者半 二十年大饑命侍郎何喬新賑濟

宏治二年饑 八年大旱 十五年大饑 正

德七年夏青災 十一年二月晝晦 七月雨

雹大如拳 嘉靖二年夏雷擊不孝子康文華

華嘗殺其繼母其父不忍言一日大雨山水暴

漲華出看田苗爲雷擊死其父始向人言其故

云 六年有年 十二年十月夜星殞如雨

十五年大有年 四十年大饑 四十三年蝗

不爲災 四十三年六月陽武河大水巡檢司  
壇垣盡毀漫漶二十餘里田禾廬舍 隆慶三  
年六月雨雹小如鷄子大如砧石大饑 萬歷  
十三年大饑 十四年三月晝晦至酉時日復  
出 十五年地大震聲如雷 十六年七月雨  
雹禾稼樹木盡傷 十八年大饑 二十九年  
北城樓兩獸口吐烟占之主旱後果驗禾稼盡  
殺於霜 三十年春大饑斗米數百錢縣令李  
年耕各鄉施粥活人甚多 三十七年大荒知

縣劉楫濟百方極救勸義民狄來覲等四十二  
人出粟二千石仍詳請發預備倉設粥廠三十  
七處存活數萬逃亡盡歸又設藥以醫病者  
國朝康熙十九年大饑上司差官賑濟 二十年  
大有年 二十二年十月初五日未時地大震  
初西北聲若震雷黃塵遍野樹梢幾至委地毀  
壞民房人多壓死神山三泉原平大陽等處尤  
甚地且迸裂或出水或出黑沙人皆露處屋雖  
存不時搖動至十月中乃定是冬天氣頗燠

三十一年夏四月朔日食晝見星斗 乾隆九  
年有年 十年同川五都歉秋發賑 十二年  
有年 十三年蠲租 二十一年有年

崞縣志卷之五

事考

漢將軍周勃下晉陽復擊韓信軍於硤石破之追  
北八十里還攻樓煩二城因擊平城下所將卒  
當馳道爲多又擊陳豨屠馬邑所將卒斬豨將  
軍乘馬降轉擊韓信陳豨趙利軍於樓煩破之  
得豨將宋最雁門守圉因轉攻得雲中守邀丞  
相箕隸將軍博定雁門郡十七縣雲中郡十二  
縣 光武建武五年盧芳以邊邑兵入寇掠有

崞縣志

卷五

事考

一

雁門五郡置崞令

唐太宗以李靖爲定襄道行軍總管防邊境道出  
崞號令嚴明秋毫無犯民爲立祠

後唐清泰三年遼太宗由陽武峪入雁門抵太原  
敗唐兵

宋雍熙中代州楊業戰沒上訪近臣以策齊賢請  
行卽授給事中知代州與部署潘美同領緣邊  
兵馬是時遼兵自壺谷大至薄城下 衛都校  
馬正以所部列南門外衆寡不敵副部署盧漢

贊畏懦保壁自固齊賢選廂軍二千出正之右  
誓衆慷慨一以當百遼衆遂却先是約潘美以  
并師來會戰無何間使爲遼人所得齊賢以師  
期旣漏且虞美衆爲遼所乘旣而美使至云師  
出并州至北井得密詔東師敗績於君子館并  
之全軍不許出戰已還州矣於是遼兵塞川齊  
賢曰彼知美之來而不知美之退乃閉其使密  
室中夜發兵二百人持一幟負一束芻距州城  
西南三十里列幟燃芻遼兵遙見火光中有旗  
幟意謂并師至矣駭而北走齊賢先伏士兵二  
千於土磴砦掩擊大敗之

金宣宗四年十二月元兵進至代州橫城

崞今屬

至

太原大安二年元師大至崞縣

元天歷元年令崞州之陽武關穿塹壘石以爲固  
調丁壯守之 致和元年九月上都諸王忽刺  
臺等引兵至崞州

明洪武元年十二月大將軍徐達旣取太原遂下  
崞州時達遣副將軍常遇春取崞弗下退屯於



萬家街斂兵十日不出一日舉火燒萬家街火  
光燭天城中莫測所爲遇春潛燒北門入城州  
守冒烟遁大都督府副使顧時從大軍取平陽  
克崞州

崞縣志卷之五

雜志

陽武河冬月冰堅如鐵有一物狀若羊獨角名辣能開冰割然一聲如聞霹靂震動山谷河水坼裂方丈大塊起而陡立焉此物亦不恒見見則

歲稔

崞之盧氏兒忻者三歲能言曰我前生乃回北村趙氏子年十九牧羊於山雨滑墜崖奮身而起見旁臥一人呼之不應視之乃自身也投之無

崞縣志

卷五

雜志

一

從八翌日父母來痛哭焚之月餘無歸忽一老人引至一門曰此汝家也推入卽生今身昨夢中告前生父母明日當來看我家有白馬必乘來次日果有乘白馬來者兒喜曰吾父來矣相見大哭詢以舊事皆知之自是兩家共養之府志載邑出片碌舊志載邑出蟾酥今池已久湮其名僅存賈島小江南之說當亦謂同川一帶鶯花三月天桃嫩柳爛熳高山流水間致足賞耳曷與於物產之肥瘠哉

長樂村張強山嘗聞中有聲如雷土人言山中有洞昔有牧羊子陰雨中忽見洞門開因結草門首驅羊歸擬入洞比至遍山草皆結而洞門不可見矣

高仲遷宋汴梁節度使膂力過人曰食麥三斗牛一俗號呆高王今南申村有石長丈許徑五尺傳言其馬上携來者

趙如魯作三氏教授相傳其地有古碑半入地中上蝌蚪書人不能識如魯至讀其文知地下所

崞縣志

卷五

雜志

一一

藏掘之一字不失尾有孔子書此碑若要破除是如魯過

崞山廟有金安陽王尚書無競大書崞山神三字元好問記云神筆寶墨自當爲古今第一

王良舊宅在原平之西三泉之東良倡白蓮會夜聚曉散先與三泉曹氏有隙曹富於財起大宅良訟其砍伐禁山木石遂毀室入官曹亦訟其惑衆罰米七十石良令其黨冬携一撮一夜而完先是童謠云唐林崗上坐皇帝半坡街裡狗

兒戲至是良與李越於唐林岡聚衆反良僭稱  
帝 皆 能 鄉愚四方無  
籍亦多附之衆至二十餘萬移兵至崞南五里  
地名龍王灘立磚爲城撒豆成兵初良設水盆  
令其黨照之見良天子冕服越宰相衣冠餘各  
有本相至此復照則良無首矣衆散去良越逃  
之秦中朝廷以崞民謀逆遣兵屠之兵過盧溝  
橋邑人梁璟時在朝擿檄上疏言崞民無知皆  
陛下赤子且其黨皆燕趙齊晉秦隴之人冊中

姓名可証願以一身代崞民死朝廷憐之撤兵  
還後獲良越斬於京師越姪李福達善五遁法  
騎紙驢向揚州看燈人以爲妖捕之逃往陝西  
改名張寅後謀逆事敗伏誅

大牛店相傳車裂李存孝處定襄鄭某赴陝西神  
木道任過此指土人曰此處當立周德威故里  
一碑

嘉靖間西鄉賀二女手作一麪龍時美之久而龍  
自動轉收之卽卷遠近異之女亦自詫神奇聞

於知縣史漁召至欲觀之女捧龍入儀門鬚角猶動至廳事前跌碎死

五峯山聖母班鎮暢氏女已許聘趙氏子年及笄日捻白棉線積千百丈一日吞之盡忽復吐出飄揚空中時母梳髮方半趣隨其線飛舉焉至一村挽其髮今名挽頭村是也直抵五峯遂坐化肉身今存後人爲立廟

崞山神廟創建時有牧羊者某日驅其羊馱運磚瓦以助工比工竣牧羊者忽立而化於正殿上

崞縣志

卷五

雜志

四

人異之卽如其像裝飾之以爲神從今坐旁牧人猶其肉身也明弘治間里人何買柱爲功德主率衆重修廟將竣工買柱及廟僧淨安庖夫亢禮同坐化於南廡下亦卽其肉身加以裝塑置南配房焉

漆郎山豫讓祠鄉人祈禱甚靈祠宇二間居崖之罅規制狹小無寸地可恢乾隆丙子夏因祠圯脩葺柱梁椽檻俱已豎架將蓋瓦矣八月初四夜方半雷雨交作霹靂一聲崖石忽崩而平恰

佐祠宇一間地木植無一傷損者人詫異之遂  
增建三楹焉

代州花家庄武生栗僖因習技赴政化村乾隆十  
五年七月十三日正午刻忽見日旁瑩光映曜  
平列四字若匾然曰西木三元同學者俱見之  
以爲西木栗字也其爲僖稱賀謂此必武闈掄  
元兆僖亦自負因刻四字於箭筈以待符驗至  
九月初三日文闈榜發邑庠栗極敬極教極敏  
兄弟同中式僖聞之愕然曰應在是矣是科武

崞縣志

卷五

雜志

五

闈僖果不中

八景附

崞山疊翠 縣西南二十五里崞山奇峯縹渺邃  
谷迷離旣參差而迤邐復數起而旋騰高插綿  
延鋪彩霞之萬段重岡複嶺含翠藹之千形  
天涯石鼓 縣東南四十里天涯山有石形似鼓  
風盪石竅如聞鼓聲不待琢以成器惟應規而  
象圓鼓非革生音從石出發清虛之雅奏超塵  
壻以和鳴

地角枕流 縣北十五里土岡橫亘由五峯倒垂  
下臨滹沱摹擬其形恍如犀角影自移來山頂  
情若動於水濱斜倚碧隄欲向沱干以洗耳長  
眠淥水聊從滹畔而蒙頭

陽武流金 縣西四十里太子崖發源遞灌二十  
一村田千頃東注合沱開築河渠廣沾水利滋  
土地而英華徧野享順成而熠燿盈疇潤澤膏  
腴不羨淘沙之績恩波洋溢何殊寶藏之興

石人瀑布 縣西南六十五里山狀如人其足下

崞縣志

卷五

雜志

六

出泉撐兩附而胸囊海濶迸一竅而勢激龍蹲  
方渾灝之無端忽奔騰其在目驚看珠箔懸千  
丈疑是銀河落九天

朝元夜月 縣西南五十里朝元觀有碑帶石每  
至晚光曜似月寥寥祠宇燁燁碑華寫白暈以  
舒明籠虛輪而洞悉月有盈缺石不改夫輝光  
時嬾昏朝夜無殊其掩映

土聖晚鐘 縣西南七十里土聖寺其鐘向晚不  
擊自鳴聞矣戶外之空鑑然堂下之響舒清音

而無迹思濬發其云誰不叩而鳴豈洞庭之搏擊當暮而作疑鈞天之詡揚

仙洞藏春 縣北十里有洞三門土堅色赤嚴寒之月常溫金王朴嘗遊此一榻仙居三冬春意中窈窕而曲折境靜雅而幽深不苦祁寒見和光之日積潛通大化知協氣之常流